



Pasa den Urtarrilaren 7an Adrián Mosqueira “Senlheiro” atxilotu zuten Compostelako inguruetan dagoen bere jaioterrian, operatibo antiterrorista baten barruan. Hamabi orduz izan zuten inkomunikatua eta izkutatua, biharamunean etxearen miaketa egin zuten arte.

Hamarnaka pertsona kontzentratu ziren gau osoan zehar beraren etxe inguruan miaketaren zain, poliziak neurritz kanpoko dispositiboaz inguratzen zituelarik herrixkan izua eraginez. Bitartean, egunkariak, irratiek eta telebistek, “berez” dagokion errugabetasun-presuntzioa deuseztatu zuten berehala atxilotuari “erakunde terrorista” imaginario baten partaide izatea egotziz. Etxearen miaketan zeudela, lagun eta senideekin izan zezakeen komunikazioa ekiditen saiatu ziren poliziak, baina zarataka salatu zituen torturak, bai mendian harrapatu zutenean, zein komisaldegian eta miaketan zehar.

Errepresio errealtateak egoera mingarrietara garamatza, baina baita elkartasun eta salaketara. “Senlheiro” makurtzen ez den galiziar gizon eta emakumeetariko bat besterik ez da, dependentzia, txirotze eta esplotazioaren aurka borrokatzen duena. Denontzako gogorra den une honetan, Galiziar herriaren nazio askapenaren eta askapen sozialaren alde borrokatzen duenatariko bat da, eta horrela aldarrikatzen dugu ustel, esplotatzaile eta torturatzailez beteriko sistema osatzen duen Estatu espainolaren aurrean.

Lurra defendatzea ez da delitua!

Preso independistak askatu! Munduko preso politiko guztiak askatu!!!